



En Huus storv

Foto: Bernd Meyer

"Wat hant se dan möt öch jemäk?" frorden die Vrau op de Stroot eene van os - "dat alde Denge vam Schötzehoff op de Riinstroot hant se noo möt joue Ir votjemäk". - Mr sooch et jo al wäkelang, wie dat Huus su stökskeswies am sterve wor. Et eesch sind de Lütt, die et lez dodren wonde, uut-jetroke woode. Dan kom son jääl Plakettsche an de Dүүr, do-möt dat dan jedreene wos, dat dat nou en Boostell wūr. On wie dat dann su jeet, et eesch woote de Venster van son Jesoks enjeschmeete, Jadiine eronger on de Dүүre on Rames eruutjereete - do jehoot dat Denge jo de Stat. Die op dat Börro heie dat mar afschleete solle, ävver dä bööveschte van dänne hat do nix möt am Hoot; et solde an dat Denge nix mir jemäk wäde. Et läz hät sech dan ömmes jevonge, dä sech dovür intressiere dej, on dat wor dä Bou-Baas van Lotem. On dä es möt dänne van dat Börro övreenjekoome, dat Denge avtedraare, on e schön nöj Huus opteboue, wo se dan die eeke Bälk wier bruuke wolde, wenn dat jeng, on die Lüt van os wollden dänne helpe; su wor et avjemäk. - Äver, wen dä Düvel ene Knöpel sökt, öm dä ömes tösche de Been tu schmiete, dan fengt dä och eene. On hä fong eene: dr Bager, dä koom, on hät dat Denge en en Tiet van en Schnie Wek avjereete. Dat wor en jroot Malör, on net blueß eene hät sech eene jejröselt on hät sech en Blömke en et Knopslook jedon vör Vreud, dat dä alde Kaas wek es. On son janz väädije mende, et wūr nix vrloore jejange, do hei mr wisue nix mir van bruuke köne. Dä eene wor noch klöker wi dä angere.

Nou kömt et drop aan, van dat, wat över jebileeve es, et bäas tu maake. On dat - su hät de Bou-Baas os vrsprooke - sol janz wat Nöjes wäde, nöj, on doch alt. - Avwaade!

